

2024-2026 ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԱՅԻՆ

ԾՐԱԳՐԻ ԵՎ 2024 ԹՎԱԿԱՆԻ

ԲՅՈՒՋԵՏԱՅԻՆ ՖԻՆԱՆՍԱՎՈՐՄԱՆ ՀԱՅՏ

Պետական մարմինը՝

ՀՀ արտաքին գործերի նախարարություն (ՀՀ ԱԳՆ
դիվանագիտական դպրոց ՊՈԱԿ)

**Հայտի հաստատման
ամսաթիվը՝**

Մարտի 2023թ.

1. ՆՊԱՏԱԿՆԵՐԸ ԵՎ ԹԻՐԱԽՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

ՀՀ ԱԳՆ դիվանագիտական դպրոցի նպատակները սահմանված են ՀՀ դիվանագիտական ծառայության մասին օրենքով, ՀՀ կառավարության 2009թ. սեպտեմբերի 23-ի N 1111 որոշմամբ և Դպրոցի կանոնադրությամբ.

1) դիվանագետների, պետական մարմինների արտաքին կապերի համար պատասխանատու ստորաբաժանումների աշխատողների վերապատրաստում,

2) դիվանագիտական կադրերի պատրաստումը՝ բարձրագույն կրթություն ունեցող Հայաստանի Հանրապետության քաղաքացիներին հատուկ մասնագիտական գիտելիք տրամադրելու միջոցով,

3) միջազգային հարաբերությունների ոլորտում միջազգային գիտակրթական համագործակցությանը մասնակցությունը,

4) այլ ուսումնական ծրագրերի իրականացումը:

Այս նպատակներից ելնելով, Դիվանագիտական դպրոցի գործունեության շարունակական թիրախներ են մնում.

- ՀՀ ԱԳՆ դիվանագիտական դպրոցի՝ որպես որակյալ կրթական և վերապատրաստման ծրագրեր իրականացնող հաստատության կարողությունների ամրապնդումը,
- Դիվանագետների վերապատրաստման ծրագրերի հետագա կատարելագործումը և շարունակական իրագործումը,
- Արտաքին քաղաքականության և դիվանագիտության ոլորտում գիտահետազոտական աշխատանքների ձեռնարկումը և դրանց մասնակցությունը,
- Դիվանագիտական դպրոցի և լեզվի ուսուցման արտերկրի հեղինակավոր կենտրոնների համատեղ ջանքերով մշակված «Անգլերեն դիվանագետների համար» դասընթացի հետագա դասավանդումը և նոր ունկնդիրների ներգրավումը և արդեն ներդրված մյուս լեզուների՝ ադրբեջաներեն, գերմաներեն, թուրքերեն, իսպաներեն և վրացերեն, շարունակական դասավանդումը,
- Ըստ պահանջի՝ վերապատրաստման նոր, այդ թվում՝ օտար լեզուների դասընթացների ներդրումը,
- Վերապատրաստման, թեստավորման և քննական եղած մեթոդների և մեխանիզմների կատարելագործումը և նորերի ներդրումը,
- Դիվանագիտական դպրոցի գրադարանի համալրումը մասնագիտական ժամանակակից գրականությամբ:

ՀՀ ԱԳՆ դիվանագիտական դպրոցի նպատակներն ու թիրախները բխում են ՀՀ կառավարության ծրագրի 1.1 Արտաքին քաղաքականության, 4.3 Կրթության և 6.3 Հանրային ծառայության համակարգի և մարդկային ռեսուրսների կառավարման կետերից: ՀՀ արտաքին քաղաքականության առաջնահերթություններն իրականացնելու, ՀՀ պետական շահերը պաշտպանելու, այլ երկրների հետ երկկողմ համագործակցություն հաստատելու և խթանելու համար Դիվանագիտական դպրոցն իրականացնում է

դիվանագիտական կադրերի պատրաստում և վերապատրաստում, այդ թվում՝ պետական այլ ծառայողների վերապատրաստում:

Դիվանագիտական դպրոցի ծրագրի վերջնական արդյունքի չափորոշիչներն են միջազգային հարաբերությունների ոլորտում ներգրավված պետական ծառայողների աշխատանքի արդյունավետությունը ամեն տարի 20%-ով բարելավելը և դիվանագիտական ծառայության արդյունավետությունը 5%-ով բարելավելը:

ՀՀ ԱԳՆ դիվանագիտական դպրոցի գործունեությունն առնչվում է ՄԱԿ-ի կայուն զարգացման 4-րդ նպատակի հետ՝ «որակյալ կրթություն»:

2. ԾԱԽՍԱՅԻՆ ԳԵՐԱԿԱՅՈՒԹՅՈՒՆՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

Դիվանագիտական դպրոցի գործունեությունը ներկայացված է մեկ միջոցառմամբ՝ միջազգային հարաբերությունների և դիվանագիտության ոլորտում մասնագետների պատրաստում և վերապատրաստում: Տվյալ միջոցառումը ներառում է.

1. Դիվանագիտական կադրերի պատրաստման «Միջազգային հարաբերություններ և դիվանագիտություն» ծրագիրը,
2. Դիվանագետների և պետական մարմինների արտաքին կապերի համար պատասխանատու ստորաբաժանումների աշխատակիցների վերապատրաստման ծրագիրը,
3. Հյուպատոսական գործունեություն թեմայով դիվանագետների վերապատրաստման ծրագիրը,
4. Դիվանագետների վերապատրաստման դասընթացները, այդ թվում՝ օտար լեզուների դասընթացները,
5. Օտարերկրյա դիվանագետների վերապատրաստման դասընթացները,
6. Դիվանագիտական դպրոցի գրադարանի համալրումը նոր գրականությամբ,
7. Միջազգային հարաբերությունների և դիվանագիտության ոլորտում հետազոտական աշխատանքների իրականացումը, հրատարակությունները, ինչպես նաև գործընկեր հաստատությունների հետ միջազգային համագործակցության հաստատումը:

3. ՄԺԾԾ ԺԱՄԱՆԱԿԱՀԱՏՎԱԾՈՒՄ ԻՐԱԿԱՆԱՑՎԵԼԻՔ ԾԱԽՍԱՅԻՆ ԾՐԱԳՐԵՐԸ

3.1. Պարտադիր և հայեցողական ծախսերը

1) Պարտադիր ծախսերին դասվող միջոցառումներ:

Դիվանագիտական դպրոցի միջազգային հարաբերությունների և դիվանագիտության ոլորտում մասնագետների պատրաստում և վերապատրաստում միջոցառումը դասվում է պարտադիր ծախսերի շարքին: Դիվանագիտական դպրոցի գործունեությունը և նպատակները հստակ սահմանված են Դիվանագիտական ծառայության մասին ՀՀ օրենքով (Գլուխ 12, Հոդված 52):

2) Հայեցողական ծախսերին դասվող միջոցառումներ:

Դիվանագիտական դպրոցը հայեցողական ծախսերին դասվող միջոցառումներ չունի:

3.2. Գոյություն ունեցող ծախսային պարտավորությունները

Դիվանագիտական դպրոցի գերակա նպատակը դիվանագիտական և պետական ծառայության արդյունավետության բարձրացումն է: Դիվանագիտական կադրերի պատրաստման, ինչպես նաև դիվանագետների և այլ պետական գերատեսչությունների աշխատակիցների վերապատրաստման ծրագրերի շրջանակներում դասավանդում են արտերկրի լավագույն բուհերի բարձր որակավորում ունեցող մասնագետներ: Այս ծրագրերն իրականացնելու համար ՀՀ ԱԳՆ դիվանագիտական դպրոցը ՀՀ պետական բյուջեից ստանում է 224,549.0 հազար ՀՀ դրամ:

ՀՀ ԱԳՆ դիվանագիտական դպրոցը նախատեսում է ընդլայնել իր շահառուների շրջանակը: Մասնավորապես նախատեսվում է ավելացնել օտարերկրյա դիվանագետների վերապատրաստման ծրագրերի մասնակիցների թիվը: Դիվանագիտական դպրոցն արդեն իրականացրել է օտարերկրյա դիվանագետների վերապատրաստման երկու ծրագրեր, որոնց նպատակն էր բարելավել և կատարելագործել մասնակիցների մասնագիտական գիտելիքներն ու հմտությունները, ամփոփ գիտելիքներ հաղորդել միջազգային հարաբերությունների և դիվանագիտության մասին: Այս դասընթացների կազմակերպումը կնպաստի 1. Դիվանագիտական դպրոցի՝ որպես տարածաշրջանում միջազգային հարաբերությունների, դիվանագիտության և հարակից ոլորտներում կրթության և վերապատրաստման առաջատար կենտրոնի ճանաչմանը և 2. ընդգրկված երկրների և Հայաստանի միջև հարաբերությունների հետագա ամրապնդմանը:

Դիվանագիտական դպրոցում իրականացվում են անգլերեն, իսպաներեն, գերմաներեն, վրացերեն, թուրքերեն, ռուսերեն և ադրբեջաներեն լեզուների դասավանդման դասընթացներ Դիվանագիտական դպրոցի ունկնդիրների, ինչպես նաև դիվանագետների համար: Լեզուների իմացությունը և դրանց իմացության պարբերական թարմացումն ու մասնագիտական բառապաշարի հարստացումը կարևոր բաղադրիչ են դիվանագիտական ծառայության անցած/անցնող դիվանագետների համար:

Դիվանագիտական դպրոցի կողմից իրականացված տարբեր ծրագրերն անմիջականորեն բխում են Դիվանագիտական ծառայության մասին օրենքից, Դպրոցի հիմնադրման մասին ՀՀ կառավարության որոշումից և Դպրոցի կանոնադրությունից: Դրանք նպատակ ունեն բարելավել դիվանագիտական, ինչպես նաև հանրային ծառայության որակը և ընդլայնել շահառուների շրջանակը:

3.3. Նոր նախաձեռնությունները

Դիվանագիտական դպրոցը նոր նախաձեռնություններ չունի:

4. ՈՉ ԲՅՈՒՋԵՏԱՅԻՆ ԱՂԲՅՈՒՐՆԵՐԻՑ ՍՊԱՍՎՈՂ ԵԿԱՄՈՒՏՆԵՐԸ

ՀՀ ԱԳՆ դիվանագիտական դպրոցի ֆինանսատնտեսական գործունեության արդյունքում եկամուտներ չեն ակնկալվում:

5. ՏԱՐԱԾՔԱՅԻՆ ԶԱՐԳԱՑՄԱՆՆ ԱՌՆՉՎՈՂ ԾՐԱԳՐԵՐԸ/ՄԻՋՈՑԱՌՈՒՄՆԵՐԸ

Դիվանագիտական դպրոցի համար կիրառելի չէ:

6. ՄԻՋՈՒՐՏԱՅԻՆ (ԽԱՉՎՈՂ) ԲՆՈՒՅԹԻ ԱՌԱՆՁԻՆ ՔԱՂԱՔԱԿԱՆՈՒԹՅՈՒՆՆԵՐԻՆ ԱՌՆՉՎՈՂ ԾՐԱԳՐԵՐԸ/ ՄԻՋՈՑԱՌՈՒՄՆԵՐԸ

Դիվանագիտական դպրոցը միջոլորտային (խաչվող) բնույթի առանձին քաղաքականություններին առնչվող ծրագրեր/միջոցառումներ չունի:

7. ԱՐՏԱՔԻՆ ԱՂԲՅՈՒՐՆԵՐԻՑ՝ ՊԵՏԱԿԱՆ ԲՅՈՒՋԵ ՍՏԱՅՎՈՂ ՎԱՐԿԵՐԻ ԵՎ ԴՐԱՄԱՇՆՈՐՀՆԵՐԻ ՀԱՇՎԻՆ ԻՐԱԿԱՆԱՑՎԵԼԻՔ ԾՐԱԳՐԵՐԸ/ ՄԻՋՈՑԱՌՈՒՄՆԵՐԸ

Դիվանագիտական դպրոցը արտաքին աղբյուրներից՝ պետական բյուջե ստացվող վարկերի և դրամաշնորհների հաշվին իրականացվող ծրագրեր/միջոցառումներ չունի:

8. ՄԺԾԾ ԺԱՄԱՆԱԿԱՀԱՏՎԱԾՈՒՄ ՖԻՆԱՆՍԱԿԱՆ ՊԱՀԱՆՋՆԵՐԻ ԱՄՓՈՓՈՒՄ

Լրացված է Հավելված 8-ում:

9. ՀԱՅՏԻ ՀԵՏ ԿԱՊՎԱԾ ՌԻՍԿԵՐԸ

1. Դիվանագիտական դպրոցի դասախոսները հրավիրվում են արտերկրից: Համատարած թանկացումները վտանգի տակ են դնում դպրոցի ծրագրերի իրականացումը, քանի որ առանցքային առարկաների՝ պահանջվող որակավորմամբ տեղացի մասնագետներ գրեթե առկա չեն:
Կանխատեսելի չեն ավիափոխադրումների և հյուրանոցային ծառայությունների մատուցման գների փոփոխությունները: Հարկավոր է իրականացնել դրույքների կանոնավոր վերանայում՝ սղաճին համապատասխան:
2. Դիվանագիտական դպրոցի դասախոսները վարձատրվում են արտարժույթով պայմանավորված դրույքների համաձայն, իսկ ֆինանսավորումը բյուջեից ստացվում է ՀՀ դրամով: Դրամի փոխարժեքի փոփոխությունները կարող են հանգեցնել դրամական միջոցների անբավարարության: